

P R A E F A T I O.

catis, gloria in Regnis tuis habitet: benignitas & fides inter se occurrant: iustitia atque pax se osculentur. Ad hasce causas, cur Homericum istud opus Maieitati Tuæ consecratum manere debeat, accedit etiam alia, me attingens particulariter, quod regia Tua benignitas priuilegium mihi indulfit, quo typographia mea ab incommodis & detrimentis, quibus alioquin ars hæc ob quorundam auaritiam obnoxia est, immunis existit. Hoc igitur meæ erga Maiestatem Tuam obseruantia deuotissimæ gratiq; animi testimonium exhibere debui, quod (licet nonnullis forsan vile ac leue videri possit) si pro tua Clementia, vt confido, non spernetur, minimè vulgaris beneficij loco ducam, meamq; quibuscunq; potero officijs gratitudinem, quo ad vixero, probare enitar. DOMINVS ille exercituum te, REX CHRISTIANIS SIME, prudentia spiritū perpetuò gubernet, & muniat inuicta fortitudine, Maiestatem Tuā cum Regina Serenissima ac Prole regia quā diutissimè incolumem seruet & potenter tueatur, omniq; benedictionum genere locupletet.

BASILEAE XIX. Martij anno epochæ Christianæ M. DCVI.

Regia Maieſtatis Tuæ

deuotiſſimus ſeruus & cliens

Sebastianus Henricpetri
Typographus & ciuis Basiliensis.

Sere-

